

PM: TIADA

KRISIS..

'Pertumbuhan ekonomi negara kita sentiasa tinggi'



● DATUK SERI DR. MAHATHIR

KUALA LUMPUR, Jumaat — Malaysia tidak menghadapi sebarang krisis ekonomi, tegas Perdana Menteri, Datuk Seri Dr. Mahathir Mohamad hari ini.

Katanya, kerajaan masih mempunyai banyak wang dan simpanan untuk selama empat bulan lagi.

Dalam satu sidang akhbar di pejabatnya di bangunan Parlimen hari ini, Datuk Seri Dr. Mahathir menjelaskan, rakyat tidak seharusnya panik dengan keadaan sekarang.

"Segala-galanya berjalan baik," ujarnya.

Perdana Menteri mengatakan, walaupun keadaan ekonomi dunia kian buruk tetapi pertumbuhan ekonomi di negara ini baik jika dibandingkan dengan kebanyakan negara lain.

Datuk Seri Dr. Mahathir mengingatkan rakyat supaya lebih re-

Oleh **MIOR KAMARUL SHAHID**

alistik dalam menghadapi keadaan.

"Ini bukanlah bererti dunia ini akan tamat," tegas beliau.

Beliau berkata, keadaan yang berlaku sekarang disebabkan negara ini sentiasa menikmati pertumbuhan ekonomi yang tinggi.

"Apabila pertumbuhan jatuh satu atau dua peratus, masing-masing sudah mula panik," teganya.

Panik

"Kita tidak menghadapi sebarang krisis ekonomi," ujarnya.

Beliau berpendapat, keadaan panik yang timbul di negara ini disebabkan oleh langkah kerajaan mengajaji semula projek-projek keutamaan.

Beliau menjelaskan, langkah yang diambil itu adalah untuk mengajaji

semula matlamat dan pelaksanaan yang berkesan dan mengelakkan pembaziran yang sia-sia.

Untuk tujuan itu, kerajaan berharap dapat mengurangkan perbelanjaan dan seterusnya meningkatkan produktiviti.

Katanya, keadaan panik itu juga timbul apabila berita pemotongan gaji menteri-menteri disarkan.

Perdana Menteri berkata, perkara pemotongan gaji itu telah disuarakan sejak tahun lalu lagi. Cuma, baru-baru ini sahaja diheboh-hebokkan seolah-olah secara tidak langsung menunjukkan keadaan ekonomi negara bertambah teruk.

"Dengan potongan \$1,000 tidak boleh menyelaamatkan ekonomi negara," tegas Perdana Menteri.

Datuk Seri Dr.

Mahathir menjelaskan, langkah pemotongan gaji menteri-menteri diperolehi tersebut adalah iluigi.

Beliau juga berkata, elau yang diperolehi oleh menteri-menteri akan juga dikaji semula.

"Apa yang kita lakukan adalah secara kebetulan dengan keadaan dunia yang meleset sekarang sedangkan perkara tersebut telah disebut sejak tahun lalu lagi," ujarnya.

Meleset

Ditanya mengapa kerajaan terpaksa mengajaji semula projek-projek yang akan dilaksanakan untuk menghadapi masalah ekonomi dunia dan tidak mengurangkan simpanan yang ada, Datuk Seri Dr. Mahathir berkata, "Keadaan ekonomi dunia adalah dirasakan, kita tidak dapat memulihkannya dengan segera sedangkan permintaan barang-barang kita tidak meningkat dan hasil pendapatan tidak datang dengan secepat mungkin.

"Kita mahukan kredit kita terus mempunyai nilai," jelas beliau.

Datuk Seri Dr. Mahathir memberi keyakinan, kerajaan masih mampu melakukan segala-galanya meskipun ekonomi dunia meleset.

Bahan asal dari Arkib
Negara Malaysia

No. Siri	0803
No. Penerimaan	36/8